

niori C. Habsburgicor. fortuna relicta, epocham historiae a temporibus Rudolfinis exordiamur.

*Dictum de nomine Habsburgi, an a Babone, Avendo, Habentum, Habicht, aut aliunde? An argumentum antiquitatis sit, origines nesciri? causae non proditarum originum Rudolphi (b). Ratio veterum, historias notandi nonnisi cum selectu: mores aliorum incusati, qui res leuissimas notant cum Cordo, Romanorum Caesarum scriptore.*

*Rudolf. n. 1218. m. 1291.*

§. IV. Nascitur RUDOLFVS Anno 1218. Patre Alberto. Sed qui a comite procreatus erat, nonnisi in regia educi formarique debuit: quod mediocrem natalium fortem cum summo honoris fastigio, fatis sic iubentibus, esset commutaturus. Ea enim magnarum virtutum tirocinia posuit, cum avitum administraret comitatum, vt Anno 1272. ordinibus nostris dignus videretur, vniuerso imperio praefici, ad perditam eius salutem cura ac virtute sua reducendam. Neque fefellit suorum spem. Pacauit enim Germaniam, ciuilibus turbis misere afflictam. Perduelles in ordinem redacti: bene meritis, quorum aequissimus aestimator fuit, praemia dignitatesque collatae. Validos Austriae (a) Sueviaeque (b) ducatus genti suae intulit: illo ad natu maiorem

A 5

Alber-

met, ne impingat, non agat geneagraphum. Quasi vero inter fabulas pulchras & historias tantum non esset discrimen. Produunt scriptores eius notae, quem animum adferant ad scribendum.

(b) De his actum est plene planeque in capite primo bibliothecae historicae.

(a) Fateor, me vix adsequi, quo iure factum sit, vt Austria Rudolfo Caesari obueniret. Principio enim Austria femineae est successio- nis; ast supererant, ultimo principe, Friderico, capite truncato Neapoli, plures ex eius stirpe oriundi cognati. Nisi dixeris, regulam in imperio feudalem obtinuisse: feminam semel exclusam, semper exclusam permanere. Deinde ducibus, Austriae regnatoribus extinctis, ius sufficiens alium ducem, ordinum esse, aiunt, quem imperii tantum nomine confirmare debuerit imperator. Sed forte preces Rudolphi, Austriam pro filio impetrandi, fuerunt cum Ordinum Austriacorum bona voluntate.

(b) Sueuia cum sub Hobenstauffis, tum sub ducibus antiquioribus aliis vniuersa paruit imperio, intermedio duce. Nulli Sueviae ordines tum fuere immediati, Reichs: unmittelbar. Qui ergo non iisdem iuribus filio suo Sueuiam impetrauit obtinuitque imperator? Notum enim est, filium Imperatoris Rudolfum iuniorem illam tantum Sueviae partem accepisse, quae absoluerat ducis domanium.

Reli-